

Transkription von Urkunde HBS 1450b

Ort, Datierung: Halberstadt, 1450-06-22

Signatur: Stadtarchiv Halberstadt, D 07 (N/1079-81)

Inhalt: Rat der Stadt Halberstadt: Rentenbrief

WE Borghermester(e) Radmann(e) Inni(n)ghesmeister(e) vnde Burmester(e) . der stad halb(e)r(stad) .
betughen openbar In dussem(e) breue / vor allen de one seh(e)n horen oder lesen , dat we mit
wolbedachtem(e) moyde van der gnan(ten) vnser Stad wegghen Rechtliken vnde Redel=/ken vorkofft
hebb(e)n vnde vorkopen Jegghenwordihliken in vnde mit Macht dusses vnser breffes , der Erliken
vrawe(n) Alheyde tilen / Remelinghes salig(e)n naghelaten(e)n weddewen itzund vnser
medeborgherschen veyr lodighe m(a)rk Jngheldes Jarlikes gulde halbersted(escher) / weringe ore de
alle Jarlikes van vnsem(e) Radhuse wol tho ghenoyge vnde to dancke tho midde(n)somer alle de wile se
leuet , dar / se vns vorghegheuen hefft veyrtich lodighe m(a)rk ergn(an)t(er) halb(e)r(stedescher) were
, de we van or uoltho ghenoyge in eyner Su(m)men wul/bestendich inghenome(n) hebb(e)n vnde
entphangen vnde vort ghekart vnde ghewand in vnsze gnan(ten) stad ghemeynen nüd vnde / vrome(n)
wur des nod was vnde behoiff , vnde wen dusse vorgheschr(euene) alheid van dodes wegen vorfelle , dar
god doch langhe var / sy vnde denn(e) nach na erem(e) dode hans Remelingh or(en) sone in dem(e)
leuende were , dem(e) scholden vnde wolden we de veyr m(a)rk jar=/likes tinses alle iar wulbestendich
gheue(n) van vnsem(e) radhuse up sodan(ne) vorgnan(te) twey tyde , alse tü m(a)rk uppe de winachten
vnde / tu m(a)rk up johan(n)is baptiste ok alle dewile he leuet Sunder Na sinem(e) dode is dusse
Jarlike tinsz veyr m(a)rk vnser gnan(ten) Stad / gensliken vorleddighet vnde losz gheworden , dit loue
we vorgnan(te) vor vns , vnde vnse Nakomelinge , dusse vorbenomed(e)n stede / vest vnde vnuerbroken
wol to holden(e)n in guden truwen an(e) Jen(n)igherley behelpunge in dracht list oder gheuehrde
dusses tho / orkunde unde mehr wissenheit gheue we on(e) dussen breiff mit vns(e)r gnan(ten) stad
Groten anghelangheden Jnghesegele bese=/gheld Nach (cristi) ghebord vnser leuen heren
veyrtheynhundert iar , dar na jndem(e) veftighesten jare an dem(e) Mandaghe / vor Sunte Joha(n)nis
daghe , des depers vnser leuen heren ihesu cristi et(cetera)